

638

727

Mario Vukasović, zastupnik u Skupštini Kantona Sarajevo

SKUPŠTINA KANTONA SARAJEVO

n/r Ana Babić, predsjedateljica

ul. Reisa Džemaludina Čauševićabr. 1

Bosna i Hercegovina  
Federacija Bosne i Hercegovine  
KANTON SARAJEVO

BROJ: 2007-90-91-16-05-207		
Redni broj	Klasifikaciona oznaka	Redni broj
01		

**PREDMET:** Amandmani na Prijedlog zakona o visokom obrazovanju, *dostavlja se*

U skladu sa čl. 151. i 152. Poslovnika Skupštine Kantona Sarajevo dostavljam amandman na Prijedlog zakona o visokom obrazovanju, kako slijedi;

**U članu 133. nakon stav (2) Prijedloga Zakona o visokom obrazovanju dodati nove st. (3), (4) i (5) koji glase:**

(3) Upravni odbor visokoškolske ustanove može donijeti odluku o prijevremenom razrješenju rukovodioca visokoškolske ustanove/organizacione jedinice u sljedećim slučajevima:

a) ukoliko rukovodilac visokoškolske ustanove/organizacione jedinice ne primjenjuje zakonske i podzakonske propise ili ih pogrešno primjenjuje i takvim postupanjem proizvede finansijsku obavezu za visokoškolsku ustanovu/organizacionu jedinicu.

b) ukoliko odbija da izvrši odluke i zaključke upravnog odbora;

c) ukoliko rukovodilac visokoškolske ustanove/organizacione jedinice provodi radnje i aktivnosti izvan zakonom i statutom utvrđene nadležnosti ili samostalno preduzima radnje i aktivnosti bez prethodne saglasnosti upravnog odbora čija finansijska vrijednost prelazi novčani iznos kojim prema statutu može samostalno raspolagati;

d) ukoliko rukovodilac visokoškolske ustanove/organizacione jedinice nanese materijalnu/finansijsku štetu ili dovede u pitanje ugled visokoškolske ustanove/organizacione jedinice;

e) ukoliko neodgovornim rukovođenjem onemogući visokoškolsku ustanovu/organizacionu jedinicu u ostvarenju prihoda kroz realizaciju međunarodnih i domaćih projekata ili ostvarenim prihodom po tom osnovu nenamjenski raspoláže;

f) ukoliko rukovodilac visokoškolske ustanove/organizacione jedinice sačinjava ili dostavlja šestomjesečni ili godišnji izvještaj o radu sa finansijskim poslovanjem kojim se ne osigurava potpuna transparentnost rada i poslovanja.

(4) U slučaju donošenja odluke iz stava (3) ovog člana funkciju rukovodioca visokoškolske ustanove/organizacione jedinice vrši lice određeno statutom, a koje je obavezno u roku od sedam dana od dana donošenja odluke upravnog odbora sazvati sjednicu senata/vijeća na kojoj se donosi

odluka o imenovanju vršioca dužnosti rektora/rukovodioca organizacione jedinice i raspisivanju konkursa za izbor rektora/rukovodioca organizacione jedinice.

(5) Nakon donošenja odluke iz stava (4) ovog člana daljnji postupak se provodi analogno postupku izbora rektora odnosno rukovodioca organizacione jedinice.

#### **Obrazloženje:**

Polazeći od činjenice da prijedlog koji sam dostavio u toku javne rasprave nije ugrađen u Prijedlog zakona o visokom obrazovanju, kao i od činjenice da je ponuđeno rješenje koje se odnosi na odgovornost rektora i dekana za poslovanje visokoškolske ustanove/organizacione jedinice u suprotnosti sa Okvirnim zakonom o visokom obrazovanju u BiH, ulažem amandman kako je naprijed navedeno.

Osnovanost amandmana temeljim na odredbama Okvirnog zakona o visokom obrazovanju koji u članu 14. izričito propisuje da odgovornost za poslovanje visokoškolske ustanove nosi upravni odbor, odnosno koji u članu 17. propisuje da rektor Univerziteta za svoj rad u domenu poslovanja odgovara upravnom odboru. S obzirom na činjenicu da senat i nastavno-naučno vijeće nemaju nadležnost za pitanja poslovanja proizilazi i da ne mogu odlučivati o odgovornosti rektora i dekana u domenu finansija.

**Prilog:** Izvod iz Okvirnog zakona o visokom obrazovanju Bosne i Hercegovine (čl. 14, i 17.)



**Mario Vukasović**